


→ AGLAIT ←

✧ ILLUNAINORTUT. ✧

Nr.21

Nain,

Merz

1905.

Nr.21

J a p a n e s i k .

Japanesillo Russillo unatautitairartillugit Japanesik magguk suerngartauvuk Russinut tigujauvlutiglo, assero-
inasuaramik ikautiâlungmik Russit pig'jangañik, kâjônik
illijivigivlugo. Tagvainak tigujaumajuk pititauvuk erkartuiv-
vingmut. Missialungilak, passijaksaungijutiksarsiulu-
ngilak, sivoranekaratik kiovuk, erkartuijunut kiglisiniar-
taugamik. „Uvanga Jokakamik attekarpunga — taimak
angajuklek kigligiutsivok — 44 nik jârekarpunga, anga-
jokauvunga Japanesine.” Nukardlek okarpok: „Uvanga
Jokkimik attekarpunga, 31 nik jârekarpunga, angajokâr-
sûvunga Japanesine. Nellojôvunga, Buddakunut illauv-
lunga.” „Imakâ igvittauk Buddakunut illauvotit” okarpok
erkartuijut angajokângat angajuklek Jokaka sâvigivlugo.
Kiovok: „Aukak, Kristusemiovunga. Japaneseogalloar-
punga angajokâkkalo Japaneseogalloarivuk inosuktov-
lungale tussartitaulaupunga okautsinik tussarnertunik,
Jêsusemut sâgialaupunga taipsomane.”

Japanesik missialungimmaringmanik, erkartuijut
kaggimiojariakalungilat akkunit. Tamarmik tokotaksau-

nerartauvuk kimiktauniarlutik, taimak sôngotigijomik
pidlarniktokasôngongmat tagvainak unatarvingme.
Tokotaksaunermingnik kaupat okautjaugamik, koaksâr-
kôngimmarikpuk kingordlugatiglônêt. Russille angajokâ-
ksoangat Kuropatkin angerkâriakarpok sulle erkartuijut
issumagijanginik. Angerpok, perkojivorle, Japanesik
ânanaunersamik tokotaurkovlugik kukkertauniarlutik.

Tokotaksaujuk tamattominga tussartitaungmanik, Jokaka
okarpok: „Taimaile, pijarêrpunga.” Kenutuinarpok, agla-
rkojaujomavlune sulle illaminut. Angertaurkârlune anga-
jokârsuk Jokki erkisimiarpâ. „Manigornersauvlunga
ilingnit tokolerniarpunga” okarpok angajokârsuk. „Sôgle?”
„Okakattalaukpotit —taimak Jokki akkivok— okpernit
Jêsusemut tunganarnersaungmat manigornarnersauvlune-
lo tettekarnernit Gûdingoarnik. Uvanga nellojogalloar-
lunga nippummarikpunga mâna Gûdingoat tettigivlugit.
Igville nippummarerkôngilatit.” „Taimaipallaiwok —okar-
pok Jokaka— mânale kenuvigivagit, agviartaujomananga
illingnut, Kristusemiotut piniarnekarasuaruma. Sulle
kênaujanik najortekarpunga, Rubelinik 1000 nik [\$ 750]
Tunnidjilanga tamakkoninga akkerartortipta Russit
angajokângañut, illingatitaurkovlugit Russinut ikkilersi-
majunut unatarnerme. Angerkêt?” Anikitomik issuma-
ksarsior-kârlune Jokki okarpok: „Nagligitsainarlaukpagit,
agviaromangilagit, piniarne kaimaitok kuviagigungne.”

Jokaka kênaujanik tunidjinasuarmat Russit angajo-
kânganut, tamna tigusijomangigalloarpok, sâlagijauvlune-
le illungertortomut tiguvait. Jokakab Russit angajokângat
apperivá sulle, ajokertuijomik tillijaujokarajangimangât

parngnarairsimavingmut. Ajokertuijok tikingmat Joka-
 kab atuarserkovâ Jêsusib okâlaninganik kakame. Mat. 5.
 Atuarsilerêimat okautsinik ipkoninga: „Uvanga okauti-
 vapse: Akkerartortise nagligisigik, illipsingnut okauser-
 luktut saimartisigik, ômigijise ajungitulliviginiarsigik,
 illipsingnik kiksartitsijut unangmiklertullo tuksiarutisi-
 gik” Jokakab aglait makperungnairkovait tuksiarporlo
 nippekangigalloarlune. Kingorngane okarpok Jokkimut:
 „Mâna ikpigimmarikpunga, inôsera illingakattalaungimat
 Jesusib nertornautiksanganut. Piulijimale aunga tettigi-
 marikpara.” —

Tokotauviksamut tikingmatta, Japanesik kenuvuk
 kellaksortaujomanatik, taimak illusekakattaralloartillugo.
 Sûtjat 12it nangerkojauvut Jokakab nellâne, 12illo
 Jokkib nellâne. Russit angajokângat okarpok sûtjakoti-
 minut: „Nâpkigosungnekarupse angutîngnut nertornar-
 tîngnut ukkununga, torârniarpose omatigingnut, tagvai-
 nak tokolerniarpuk tagva.” Kukkiutit kukkerput, Joka-
 kalo Jokkilo pâmakpuk ômateroktauvlutik. Sûtjat
 nâpkigosungnekarauvut.

A. M.

M e r k u t i t 1 3 i t .

Nukappiak Gottlimik attelik inugoijaulaukrok anga-
 jokângminut, sôrlo idluarmat, Gûdib sângane, tâpsoma
 perkojanginik mallitsiarkongmakko. Gottlib jâringit
 namaksingmatta, tillijauvok anorâliortemut, illiniarkov-
 lugo anorâliornermik. Taimnale anorâliorte tapakattarpok
 perkojat 8 ingañik, illa Gottli tapatipâtauk tamattominga.

Unuarne kejuktarkokattarpâ nappârtunit perkutigingi-
taminit. Opinarane Gottli puigorkassakpok perkojamik
ipsominga. Uvlut illangane angajokâme pissiartorkovâ
merkutinik 12nik. Niuvervingmele inukadlarmat, niuver-
tib merkutit illivait sâmut, Gottlilo tiguserkovâ 12nik.
Nutte, kittitsijungnaralloarame 13nik tiguserkovok. Tagva
niuertib aperivâ: Kittitsivêt namaktomik ? – Ahaila –
12 luatsiat pivigît? – Ahaila! Gottlib merkutit imuserpait,
akkingallo illivâ sâmut añijomavlunelo. Tagvainarle
tuimigut aktortauvok tussarlunelo nippemik okartomik:
Nellâgut 12nik pivêt? Kappiasuklune kênângavok, kênâ-
ngalo aupalerpok. Angut pitsiartok takolaukpok Gottlib
piniarninganik. Nukapiak sajuklune kugviorpok okarlunelo:
Aukak 13 ôvut. Tuavidlune illijivok merkutemik
tigligaminik sâmut. Angutible taipsoma issumagiktub
okautivâ: Ernîk, inôtsît nâlugo puigornak merkutinik
13nik, uvamniglo, perkojat Singaniglo. Mâna añisârit
niuvervingmit, assivut malugosukonagit pinialauktarnik.

Uvlok tamanna angutiblo okausingit Gottlib puigor-
ungnairpait ômamiutarivlugille inosermine illûnâne.
Merkutit 13 ningañut inuk tapanasuartok perkojat Singa-
nik killertaunajarpat sôrlo, nakudlarajarpok, tokomu-
ungitorle inotsemulle nâksaungitomut. H. S.

K i g u t s i t. [Nr. 19.

1. Metusalab atâtanga Henoche tokolaungilak. I Mos. 5
2. Isaak Esaulo. I Mose 25, 20. 26, 34.
3. Luk. 19, 41. Joh. 11, 35. Ebr. 5, 7.
4. Davide illagijangallo. 1. Sam. 30, 4.
5. 1. Mos. 2, 23.